

鳴

玉

堂

稿

鳴玉堂稿卷之八

明甘肅行太僕寺卿前湖廣督學副使陰張天復著 翰林院修撰

山東左叅政門人陳文燭選梓

頌表類

白鹿頌

臣聞之傳曰王者道備則白鹿見。又曰德至鳥獸則白鹿見。說者謂鹿祿也。閱千歲色始白。蓋惟聖帝明王道德之極。將受天之祿而萬壽無疆。天乃以白鹿告厥祥。是以世罕睹焉。恭惟

皇上聖神履運。誠敬奉玄妙契高穹。恩覃區宇。其

精白粹美之德。光昭上下。兩儀莫而五紀序。萬姓
又安。嘉生畢遂。自臨御以來。甘露嘉禾。白兔白
鵠之類。紛紛疊見。徃自癸巳之歲。白鹿獻自靈寶。
昨屆萬壽。玉芝產於瑤宮。白鶴降自玄圃。蓋皆金
精純氣所鍾。而上帝昭貺之符也。乃茲東海之
取地曰舟山。實維會稽鎮嶽。又三神僊島之所經
也。是歲之春。白鹿出遊原藪。督臣見而致之。馴擾
不驚。無賴虞人之力。爰從東海獻于闕庭。大小
臣工。快覩嘉祥。歡呼忭舞。咸謂我

皇上第祿永壽之符。所以縣億萬年無疆之筭者。

允卜於此。三五以來。帝王之瑞。莫有過於今日者。臣竊伏思漢世。馬出渥洼。一角之獸。見于五時。其可嘉悅。未能彷彿。

皇上聖瑞之萬一。乃有神馬之歌。紀年之詔。詞臣讚述。輝煌簡冊。矧我

昭代。萬壽開禎。神物降至。天人胥慶。而不播之聲。歌揚之紀頌。將何以闡光烈而昭聖瑞哉。臣敢輒忘鄙陋。恭撰白鹿頌一篇。繕寫進呈。上塵

宸覽。臣無任悚息忻忭之至。其詞曰。

於穆我后。長生御極。天降禎符。景貺時億。有巖鎮

嶽。岬。峙。會。稽。金。函。玉。笥。永。秘。靈。竒。我。后。粹。德。武。

契。玄。真。瑤。池。玉。使。貢。珍。九。宸。厥。貢。維。何。素。毳。

濯。濯。閱。更。千。齡。秀。孕。五。嶽。應。圖。獻。瑞。聿。未。金。方。凌。

風。絕。塵。霜。質。瑤。光。攬。駕。蓬。瀛。呈。祥。明。越。爰。謝。仙。裳。

來。儀。帝。闕。來。儀。帝。闕。有。斐。率。馴。厥。舞。踟。躕。厥。

趾。振。振。繫。普。督。臣。構。獻。于。舟。伊。誰。致。之。不。假。虞。蒐。

曰。惟。我。后。明。明。休。烈。誠。格。萬。靈。壽。徵。億。劫。玄。

宰。睠。命。景。福。時。臻。神。麻。銷。來。允。孚。

皇。仁。登。嘉。

祖。廟。芳。苾。聿。陳。鷓。麻。協。應。屬。時。陽。春。王。道。厥。成。周。

南麟趾。穆穆我后。同符厥祉。於皇萬年。光膺寶籙。

帝命日新。永綏戩穀。臣拜稽首。恭獻頌章。
天子萬年。駿烈孔揚。

嘉瓜頌有序

會稽山陰隸郡而近。其居夾郡治東西。若左右肱股。而會稽治居東。治北而長吏廨稍東。有樓曰清遠。遠樓隙地。邑令楊侯至。則畦之。藝諸蔬。其中採以自給。會改定里畝。侯出高別署者。浹旬。歸見畦中所藝。王瓜一蒂。雙實。修圓數寸。拳拳若擘。金鉞。

數日苞芽再亞。次於蔓末。凡蒂者三比。而瓜者六。觀者雲集如睹。咸曰。瑞不虛生。兆自明府。侯曰。不然。上則。

君相。下則郡臺。暨省僚憲臣。叶和所致。而郡為尤。通嘉應宜先。於是擬作頌篇。用昭郡公祥懿。且曰。山陰治相接。吟亦若瓜蔓之相鉤帶。况伯也優子。占祥者僉言野分於西。則星應於東。亦若政之善。在西而物之符生於東也。茲頌之舉也。予與伯偕。豈得遜。於是兩侯者竟委頌於不佞。天復天復。謹按往牒。當唐元和時。嘉瓜生於山陰之移風鄉。迨

我

皇朝洪武五年始再產句容。

高皇珍之獻廟製頌一時侈觀距今二百餘年

而復應我

嗣聖之昌期且前此皆產氓圃今則吏署前此皆
他種瓜今則王瓜夫王者皇也瓜者家也允為我
皇家千萬年無疆之福然地氣自南而北吏治自
下而上則邑之先致頌於郡公也置其允宜天復
敬拜手作頌曰

昊穹璿衡豈直園機玄靈神貺視下所宜曰災則

災曰祥則祥。杪微斯辨。畧刻不爽。於維我

祖。高皇聖明。大寶既御。百神效靈。彼瓜何知。亦呈

厥瑞。舍彼郊畦。陳於城陞。凡今十葉。

嗣聖重華。祖肇孫弘。如陟有瓜。並蒂以岐。再倍而

參。纍纍萃萃。于邑之南。王中金外。翠葉瓊蔓。南斗

六宿。垂地以燦。郡郭兩邑。我侯我守。侯實股肱。守

則元首。兩侯曰嘻。維此嘉瓜。萌在郡公。致則

皇家。郡公之德。本無末諛。平寃決滯。剖劇捍災。公

德勿頌。曷彰厥美。先河而海。由源及委。兩侯曰嗟。

野史外臣。握管之役。其在張君。予承厥命。私頌以

獻薦 廟製詞 石渠虎觀

賀瑞穀表

伏以萬寶告成。寰宇協嘉。生之瑞。五岐擢秀。天家呈美。利之徵。千齡誕聖。忻屆昌辰。二氣委和。實昭靈貺。臣等切惟種之美者。曰穀。國之重者。在農。故有年稱慶。振古如茲。而聚人曰財。莫斯為切。苟順成於歲事。即允協於休徵。况乎質本一莖。岐分數穗。均沾土脉。獨合幹而茂茂。共飫天俛。仍萃英而凝凝。玉粒表勻圓之美。金穰獲堅好之繁。瑞豈虛生。時愀吉會。茲蓋伏遇

皇上道合重玄仁涵庶類。迪知王業。念稼穡之
艱難。參贊化功。致雨暘之時。若明德上通於
穹昊。洪恩誕布於多方。迺茲嘉瑞之生。正值昌熙
之運。驗天庥之滋。至斯地寶之聿呈。遠從河洛之
墟。爰獻闕庭之上。廟宮薦享。馨格來祖考之靈。
臣庶同觀。普率荷神明之貺。彼金芝競麗。未同合
穎之嘉。雖朱草抽華。奚補盈箱之富。豈若豐年為
瑞。有秋書太史之編。實乃和氣致祥。久道徵
聖人之化。臣等叨承殊渥。爰調無補於天工。快觀
竒禎。忻頌倍加於恒品。太平有象。詎惟物阜民康。

聖壽無疆共祝天長地久。

賀瑞雪表

伏以聖主切蒼生之念。時幾恒軫於淵衷。上天降
玄澤之祥。靈貺覃敷於廣寓。六花灑潤。九衢回協。
氣之和。三白呈奇。五穀兆精華之瑞。仰宸情之
悅豫。洽郊甸以懽呼。恭惟

皇上道合太清。炁含元始。剛健育日新之盛德。睿
明本神授之生知。以上帝好生為心。功施利濟。欲
匹夫各得其所。澤溥綏懷。總攬政機。閱奏章以詢
旱澇。屢厯宸諭。發錢粟以賑饑貧。迺者節臨冬

序氣屬寒凝。顧雖呈飛霰之祥。尚未表盈尺之瑞。特修禋祀。豫禱來豐。浹旬日以竭虔。遍廟宮而遣告。奏格聿升於芬馥。感通遂報以瓊瑤。祥靈彌六合。以飛揚瑞雪。遍千圻而密布。祛蝗滋麥。三時可卜。其順成滌沴消氛。五氣盡融於和暢。國儲有賴。將興乃積。乃倉之歌。民食無憂。端致既庶。既富之樂。此誠我

皇上一德格。天百靈効職。先天而天弗違。祈雪而雪屢應也。臣等輔弼何能。燮調靡補。覩休光而動色。贊妙化以難名。伏願六氣調鈞。五辰凝績。得

天人之佑助九重茂集乎祺祥啓時歲之豐登四海允臻乎熙皞

賀萬壽表

伏以窮昊儲庥啓億萬年之景運聖神御極應五百載之昌期赤虹現流渚之祥紫電煥繞樞之彩神人胥慶如聞漢岳之呼海宇騰懽均效堯封之祝恭惟

皇上德配二儀時乘六御操三重以馭世議禮制度考文秉一德以宅尊敬天勤民法祖神疑淵默道允契於希夷極建中和功已昭於位育三

靈眷命。方貽瀦哲之祥。萬寓歸仁。咸被雍熙之化。
澤施功溥。至仁克對乎天心。道久化成。大德允
躋乎上壽。茲者金衡正序。玉宇澄秋。載臨震夙之
辰。益茂泰亨之慶。四郊息警。醜夷潛格。於舞于萬
寶告成。黎庶懽歌。於擊壤和氣。充盈乎九有。禎祥
協順乎兩間。亘千古以無前。越百王而獨盛。執玉
帛者萬國。同傾鰲岬之誠。奏簫韶於九成。快覩鳳
儀之瑞。允保軒齡之永。益占周祚之長。臣等叨依
近密。倍切懽愉。抱臣子忠愛之忱。但勤祝頌。感
天地生成之大。莫罄揄揚。伏願 靈承 帝眷。茂

集仙禧地與久天與長光撫盈成之運日方升川
方至丕延昌熾之庥

賀冬至表

伏以日躔星紀一元肇資始之仁斗建子杓五位
介履長之慶瑞應式占於雲物化機聿見乎天心
頌溢熙朝儀隆亞歲恭惟

皇上道凝太一神契初陽紹三統以御天時康歲
阜握六符而行祚帝格民懷仁義並施乾坤同
其幹運邇遐兼燭日月普其照臨祥屢降于靈
穹嘉穀仙芝薦五色雙岐之秀威丕揚于邊徼南

倭虜收四征九伐之勲。江漢湯湯率土頌明明。
天子商色翼翼。普天仰濯濯皇靈。載逢剛長之辰。
益懋朋來之祀。珠璧聯輝于象緯。璿樞淑轉于璣。
衡。磬動天宮。聲中黃鍾之律。灰浮緹室。陽回瓊宇。
之春。靈雪應期。徵豐穰之有象。融風順序。布熙皞。
於無垠。曆紀三辰之令節。祥開千載之昌期。臣等。
幸際麻明。叨承恩渥。鞶線竊慚于補袞。葵心彌切。
于傾陽。伏願誕保真元。丕承隆貺。卜萬年而篤佑。
元會運世。膺軒曆於無疆。歛五福以錫民。壽福康。
寧。綿箕疇於有永。

代聶司馬謝間住表

臣罪重恩寬。感深涕隕。不勝惶恐。激切之至。謹稽首頓首稱謝者。伏念臣猥以凡庸末品。廢棄朽材。誤蒙

皇上屢加拔擢。至有今日。以臣自分。雖沒齒捐軀。何足為報。願臣心懸犬馬。竊常急於報酬。而質限駑駘。竟莫效於驅試。况當南北有警之日。乘以衰羸不競之年。事無補於涓埃。動輒厪于宵旰。惴惴素餐之懼。雖宜早謝筦樞。而區區向日之忱。未忍遽忘。

君父爰稽歲月。遂致因循。自謂瘼曠無裨。諒莫逃
於斧鉞。詎意生全殊渥。復降自於楓宸。茲蓋伏

遇

皇上明涵日照。慈普天心。堯舜至仁。輒貸無功之
罰。禹湯懋烈。尚寬有罪之誅。俯察衰庸。遂令免於
鞭策。保全骸骨。俾得返於丘園。恩溢九重。命同
再造。臣身雖去國。心竊依依。才乏濟時。衷尤蹇蹇。
遺顏魏闕。夢魂勤拱。極之私翹首。龍塚江海。
繫傾葵之念。矢期頌歌田里。上酬穹壤之恩。嚙結
暮齡。長效華嵩之祝。伏願鳴圖天保。駿命時申。內

順外威千載邁羽儀之化。天長地久。萬方同海晏
之休。則微臣自今未盡之年。亦永沐
皇上無疆之賜也。臣無任感激眷戀之至。謹奉表
辭謝以聞。

代崇信伯費坤謝表

伏以于城重寄。大君慎磐石之圖。世祿深恩。明
世重鼎彝之典。是惟一人之盛。渥不以遠而或
遺。遂使先世之微忠。至於久而益著。竊念臣始祖
愚身起我行。幸際風雲之會。材本樗櫟。叨依日月
之光。克太平而威震溧陽。取廣德而聲馳北固。仰

伏 天皇之武。少輸犬馬之勞。詎意微功。夙叨殊命。鐵券永山河之固。簪纓增雲漢之輝。終始保全。媿美虞廷之延賞。祖孫相繼。允符商代之世官。揣分奚堪。感榮思愧。茲蓋伏遇。

皇帝陛下。仁符大造。道契重玄。廓文命於誕敷。澤覃宇內。亶皇猷之丕振。威洽荒遐。勳庸念闕。閱之良崇。報錄忠賢之後。用宣綸綍。爰嗣箕裘。顧臣以豕稚之庸流。仰荷生成之大德。丹書沐寵。茂延繼錦之榮。赤組生光。深抱續貂之懼。敢不勉繩祖武。圖報國恩。用驅駑駘之資。早樹鷹揚之績。伏

願舜階振旅。舞干羽以來庭。周室修文。歸馬牛于不試。永嗣無疆之服。用瞻有道之長。

代定遠侯鄧祖錫謝表

伏以昭代酬功。茂績簪纓之裔。明庭錫命。祇叨綸綍之榮。慶遭際於雍熙。虔對揚於班列。感恩思奮。服寵懷慚。茲蓋伏遇

皇帝陛下。道合玄穹。功符璇造。布皇靈於丕振。威洽窮荒。廓文命於誕敷。仁覃萬寓。績雖微而必錄。世彌遠而不遺。爰及庸愚。謬承恩渥。竊念臣始祖。愈夙際飛龍之運。用輸汗馬之勞。首翊天戈。於

除陽載逐羣氛於諸服。湖南隴右。遂收變伐之功。
帖木也先。輒効蕩平之烈。於是分茅衛國。已而進
王寧河。丹書久列於旂常。鉄券遠垂乎帶礪。鼎彝
竊千鍾之錫。玉麟嗣六葉之光。世荷忭懽。榮延組
紱。臣敢不矢勵朴忠。用副國恩之重。續圖韜略。
勉思祖武之繩。伏願瑤圖清謐。寶籙光膺。地久天
長。永撫盈成之運。日升川至。丕弘昌熾之休。

代撫臺謝恩表

竊念臣知實寡謀。才慙遠畧。叨領旬宣之寄。未諳
修攘之猷。蠢爾孽酋。頻年犯順。降而再悖。蹶乃益

獨平時失撫馭之方。臨陣爭戡定之策。自分莫逃乎天譴。詎思薄罰於恩綸。罪重魂驚。感深涕隕。茲蓋伏遇

皇帝陛下。聖神廣運。文武兼資。大德難名。仁澤誕周。於遐邇。玄威莫測。睿明普照。於窮徼。守在四夷。武先七德。貸孤臣於使過。期速靖以懲愆。勸同心。示圖共濟。皇言孔赫。鞭箠甫及於駑駘。玄祐昭垂。俘馘盡歸。於豸虎。遂使滔天之逆。頓收浹旬之功。實惟

皇上早定。玄筭於九重。是以微臣得廓妖氛於

萬里者也。臣待罪荒遐，蒙恩浩蕩，敢不益堅素志，勉輸泰華之纖埃，永竭丹心，仰答乾坤之洪造。伏願皇圖鞏固，帝祚綿長，自圻甸以綏要荒，四海荷鴻禧於有俶，合車書而同文軌，萬年撫駿業於無疆。

諸未清切流轉

露布類

逆祖授首露布

伏以義師久駐，慙未申捷虜之威；神武維揚，爰遂建平戎之績。武闕瓦解，盡辮髮而束手；來降黑闥，土崩蕪醜。渠而連頸，受戮民夷；安堵歸功，闔外三

推遐邇騰驤舉頌滇南再造恭惟大司馬大臺端
呂老先生臺下廟謨素定動每歲于九淵石畫
弘施明遠超乎八表春初鞠旅痛心渭水之侵秋
杪臨戎迅問鉄山之罪六師方舉孤孽益張園邑
燔城猶稔既盈之惡馳麾秉鉞大彰無赦之詞萬
陣齊驅百蠻並奮負隅豺虎每懷吞噬之奸涸澤
鯨鯢已失簸揚之勢乃將士既歟旬而露食肆羽
書常九出以星催遂收奔豕以千群爰斬妖狐於
萬段諸羅鬼國永清西塞之塵卉服雕題盡復南
荒之域實惟銷腹心之患奚止去肘腋之虞桃李

成村溥萬象之雨露桑麻遍地廓一統之提封某
等職忝專行才非善陣允賴龍韜之默授敢云駕
乘而長驅役衽金戈喜凱歌之滿目功銘爨鼎攄
賀臆以颺言佇看銅柱之標願勒燕然之石

帳詞類

送郡伯沈公入覲兼考最帳詞

伏以一代雋髦三吳鴻碩遺言肆討黷序有經笥
之稱姱行潔脩鄉閭著德堂之望乃飛步於紫庭
遂獻身於

明主初拜虞曹章課盡飭材之績繼官獻部明清

展平反之猷。天眷日殷。民牧斯寄。試望之於三
輔。爰頒虎符。卧長孺於淮陽。夙臨鏡水。為郎譽問。
已擅無雙。治郡功名。輒居第一。桑枝麥穗。聿興載
途之謠。犬寂吏閒。早溢甘棠之詠。既陟明於三載。
復借寇以一年。萬姓歡吟。百度釐肅。發奸摘伏。盡
蠲三尺之苛。均賦平徭。咸渥一分之賜。申戎越寇。
百年海不揚波。甃開隄湖。八邑水皆歸壑。竹箭罄
會稽之美。功爰自我文翁。刀劍移勃海之風。化實
繇茲龔遂。守三事畫如一日。嚴四知錢嘗再清。飲
水鄧攸。庶儼冰霜之節。運甃陶侃。猶開風月之襟。

地逢內史風流。民忻忻以相告。杯傳右軍。瀟灑泉
涓涓而復流。曲水池邊。留得遺馨千載。浴沂亭上。
坐未清嘯三秋。獻歲屆觀嶽之辰。先期飭秉圭之
典。黃河冬雪。十月方深。滄海春風。五馬難再。還祖
榮於將作。寧淹此日之旌旄。擢翁歸於扶風。行聽
九重之綸綍。赤墀青瑣。方殷虛席之懷。白叟黃童。
何堪卧車之戀。矧茲轅門武弁。久荷旃幟。欲效閭
巷童謳。竊慙紈袴。敢代蕪詞。用陳祖道。
會稽太守未何暮。朝天又向錢塘渡。去去惟輕載。
石舟年年空憶斑。春樹鳴鸞振玉。大庭听懋績。嘉

謨楓陛陳為語從容金馬客。青山還念舊遊人。

賀督府石公陞戶侍帳詞

伏以簡隆宸綍。使華遠賁於三湘。寵重儒紳。朝序
薦登於八座。殿雄區而授節。夙叅祈父之尊。培國
計以借籌。載貳大農之寄。匡時允賴。有位同瞻。恭
惟閣下。沼水瓌材。清朝碩望。負鎮時之雅量。而膺
中兵甲。閑范老之先機。韜躒俗之英姿。而心上經
綸。邁桑公之潛計。運甕陶侃。長懷分畧之勤。飲水
鄧攸。何忝嚴霜之節。經筭奮翮。早飛步於紫庭。豸
苑埋輪。輒生風於黃閣。朝識九齡之直。家承萬石。

之貽既出牧於一麾。乃逾貞於百折。歷臬藩而甘
棠載賦。撫邊圉而鎖鑰垂銘。逐日追風。足占百樂
之駿。剗犀截鐵。信藉昆吾之鋒。綸春聿申。輿言敦
協。爰升華於留部。煩坐鎮於炎方。下車而雅俗還
淳。攬轡而黠獠斂迹。節勞蠲役。戶聞百耦之歌。約
已裕民。室喜千鍾之貯。裒冗濫。頓令除額外之徵。
黜浮華。奚翅徹騶前之樂。汰貪殘之將。而士伍來
綏。翦拒逆之狺。而邇遐按堵。窮髮沐一分之賜。空
除鮮三尺之苛。陌上成陰。桑間可咏。迺覽瞭臺於
津隘。亦開坑塹於郊衢。用臨百粵之顛。爰扼三苗

之吭。弛張默運。鯨鯢失跋。浪之雄駕。馭多方。羆虎
奮橫戈之氣。遂使豺狐喙息。金柝無聲。永令蜂蠱
潛形。雕弧不試。三年寢旅。何煩終軍之請纓。六月
休師。無勞賈生於屬國。文武吉甫。肅儀憲於南荒。
壺矢祭導。挽風流於曠代。再䟽異渥。趣近清光。還
伏波於五溪。指星辰而直上。擢望之於三輔。踐台
斗以窮躋。武庫多材。暫典殷邦之賦。國華延譽。行
司商室之衡。某等久席末光。獲塵下采。龍驤豹躍。
永依日月之輝。鳳翥鵬翀。徒戀風雲之翼。祇奉官
聯之守。莫陪賓賀之班。敢綴蕪詞。用陳祖帳。

丹心勁節。况命世才猷。明庭雋杰。豸冠繡斧。輜車
歷盡炎風。朔雪。截業孤標。干仞砥柱。中流百折。盡
道是獨鶴。引清琴。冰壺秋月。掀揭探囊。中惟餘耿
耿。肯隨人明滅。稜稜風望。巖廊久壺。特簡耆臣。休
休烈。翎佐鴻謨。早看鍾鼎。齊夔高。

沅古苗州。控三邑險阨。百蠻上游。天假秉麾。握鉞
坐操熊虎。豺貅鎮日。輕裘緩帶。未須振旅。揚矛最
好似標。扶桑銅柱。千載誰儔。壯猷。這勳名。丹青
耀一一徹。宸旒邦計。司勞通明。召促倪旄。卧轍
難留。政機入夢。還將江漢。費綢繆。

右調喜遷鶯二闋

啓類

撫按三司迎景殿下啓

仰惟 賢王殿下遠下神京光臨封甸禎符丕應
江河清萬里之塵景祐時申冕紱介三靈之慶某
遙瞻睿渥益切悃私願夙延星嶽之祥用早慰黔
黎之望為此差官專齎啓本敬申迎悃某無任瞻
仰慶忭之至

又

仰惟 景王殿下慶衍天潢封臨江漢神人協贊

龍旂臻百順之休。遐通騰權麟趾。邁千齡之嶺。某
瞻依日近。慶忭時深。謹肅迓於前津。願攄誠於下
吏。為此差官云

又

仰惟 賢王殿下。寶冊膺封。璇源衍慶。天章茂錫。
本支隆磐石之基。帝里重輝。江漢協神人之望。某
叨巡楚服。祇率群僚。恭攄賀臆。以揚休未。展趨迎
之下。恟為此差官云

賀李相公初生孫請啓

伏以功昭鼎鉉。堂槐顯陰陽之符。慶集螽斯。庭桂

協長庚之夢。縣雲仍於瓜瓞。有羨其昌。肇奕葉於
孫枝。自今伊始。當年侍綵。令公之福履無疆。此日
開顏。程氏之淵源有漸。某欣逢盛美。叨接芳馨。就
華屋之芝蘭。金錢未展。率公門之桃李。玉笋先陳。
聊申蘋藻之恭。用効家邦之賀。伏祈寵賁。曷任瞻
依。

賀撫臺生辰啓

伏以候轉璇杓。陽德應元精之瑞望。隆玉鉉嘉辰。
協名世之符斧。座增華簪紳。胥慶恭惟。撫臺趙老
先生。閣下西川。聞氣南國。儀刑聲猷。久籍于巖廊。

惠澤覃流于江漢溥三冬之愛日士孚豈弟之仁
幹七澤之陽春民頌保釐之績輝躔下燭瑞旦載
臨欣逢弧矢之祥用罄岡陵之祝伏願永綏福履
茂介天庥申嶽比崇奠坤輿而彌固商衡夙贊翊
宸極以常尊某等久荷鈞鎔敬伸芹悃伏冀台慈
俯垂鑒納

督府生辰啓

伏以龍旌秋肅禎符應昴宿之祥虎帳風清節鎮
啓崧高之頌慶占永筭歡溢多方恭惟大督府石
老先生閣下望重華夷才兼文武布 皇仁於干

羽化格三苗勦烈於鼎鍾威聞九貊時逢七夕
瑞衍華齡幕府筵開映星橋而燦燦孤辰瑞紀隨
烏鵲以年年某等伏在芘麻曷罄瞻依之願用陳
微悃聊伸慶祝之私伏冀台慈俯垂鑒納

禮書吳公加太子太保請到任啓

恭惟秩宗秉禮樂之司碩望久孚於八座宮保亞
公孤之選新恩特煥于九重玉帶輝煌西禁侈駢
蕃之寵金鑿清切北扉先供奉之班喜溢儒紳光
生寮案啓公筵而履吉彰君貺以同榮伏候賁
臨曷勝瞻跂

禮侍袁公加太子賓客無翰學請到任啓

恭惟台階荐陟望隆宮輔之尊命服匪頒寵極詞垣之選特眷榮超乎百辟殊恩慶洽于一堂省署生光朝紳稱慶奉迎台馭敬肆清筵用展忭私仰祈輝賁

賀總鎮元旦啓

伏以天運璣衡萬象啓更新之令春回節鉞一方荷滋至之祥喜氛禳之全消卜豐穰之有兆協陽和而布德瑞滿璇臺排凜肅以迎禧風清虎帳本道滯役金騰阻趨屏閣仰輝躔之下被竊倍忻愉

瞻衮座之增華方深頌祝

新正賀巡院啓

伏以青帝執規迓三陽之熙皞綉衣持斧新六轡
之光華德協春溫茂對物資之始氣排冬凜載逢
亨長之祥純嘏備膺羣寮咸祝某等阻効椒觴之
獻敬伸芹悃之私謹備微儀用陳別狀仰惟台鑒
特賜鈞容

賀撫治劉公陞大理卿啓

伏以顯奉綸恩榮濟法促峻望雅隆于青鎖崇階
荐逼於黃扉巖廊慰黼黻之思江漢頌保釐之澤

暫勞棘路爰司漢室之平夙正槐垣用暑商衡之績聿酬素望敦協僉言某等久席庇庥未罄瞻依之願輒陳微悃聊伸慶賀之忱伏冀台慈俯垂鑒納

賀督府石公陞戶侍啓

伏以秩參八座新恩特渙于楓宸化格三苗碩望久隆於幕府履星辰而北上暫司國計之勞踐台斗以窮躋早副鈞衡之選冠紳共羨寮服具瞻某等爰奉官常阻趨屏閣久席庇庥之辱用申慶賀之忱伏冀鈞慈特垂台鑒

撫臺陳公希齋還政啓

伏以謝傅匡時宜亟注蒼生之兩晉公養望爰暫
親綠野之雲挽轍未能瞻霖有待恭惟撫臺老先
生閣下八閩碩彥一代偉儒寅亮公清夙秉羔羊
之節正直忠厚雅存司馬之風湖上春陰兩浙溢
甘棠之詠楚西冬日百年垂彞鼎之銘謝政東山
殷懷北闕佇還釣軸肯淹洛社之英夙起旌輪用
睹商衡之績某等久席庇庥曷勝攀戀用陳薄餞
爰肆清筵敬候賁輝僉伸祈懇

餞代巡吳公瓜代啓

伏以繡斧清華風紀丕揚乎七澤臺綱肅穆惠威
荐被於三春徵賢廡虛席之懷遣代嚴及瓜之命
宸綸初渙庶戀交騰恭惟大臺端吳老先生閣下
兩浙瓌材百年間氣英髦載德夙承家學之傳直
道匡時茂振中臺之望埋輪洛路頓歛迹于貂璫
珥筆朝端允生風於臺閣詎祗三湘之吏範實惟
百辟之刑儀某等久仗庇休雅承匡勗茲惟特眷
秉鈞之日可勝群情挽轍之私用肆清筵敬伸薄
餞伏惟垂賁曷任仰祈

謝元老啓

竊念某職忝專行才非善陣初當孽酋犯順正屬
司道乏人事方委承勢輒猖獗蓋緣隣哨孤軍深
入遂致群兇逆熖益張自驕天憲之難逃敢望恩
綸於姑貸荷蒙函座下遠垂照覆下察孤危特寬
斧鉞之嚴俾展駑駘之力逆渠授首窮海更生允
惟明見每徹於重淵廟謨素定是以展布得行於
遐服廷論咸公早收浹旬之功大破滔天之逆諸
羅鬼國永清西塞妖氛卉服雕題盡復南荒舊域
貺澤寔覃乎萬里頌感奚止於孤臣某無任感戴
激切之至

鳴玉堂稿卷之八尾

鳴玉堂稿卷之九

明旨肅行太僕寺御前湖廣督學副使山陰張天復著 翰林院修撰

山東左叅政門人陳文燭選擇

疏類

題請二王賀萬壽疏

禮部題為慶賀事儀制清吏司案呈查得嘉靖三十五年八月初十日

萬壽聖節先期本部題請 二王殿下仰祝

父皇聖壽伏乞俯從容令於 乾清宮前行四拜

禮等因奉

聖旨候旨行欽此今照

萬壽聖節在邇呈乞照例題請案呈到部臣等仰
惟

皇上聖神天授壽福時申茂衍玄庥光膺寶籙茲
者節臨萬壽天人交慶中外輿情懽忻頌禱實

臣子一念微誠二王殿下祝願

父皇之忱諒尤懇切伏乞俯從臣等所請容令於
乾清宮前行四拜禮惟復別有

聖裁謹題請

旨

覆勅諭東南有司疏

禮部題為議處防禦事宜以固東南重地事看得
工部尚書趙文華題稱倭寇甫平乞要普施 恩
詔一節為照蠢茲倭逆毒擾頻年仰伏

天威功收一戰茲當奏凱獻俘之後正惟赦過納
新之機况地方之罹患既久下民之望治已深其
脅迫者方切於畏威悔禍而遭亡者尤急於安土
思歸誠宜宣 德音下 明詔以開自新之路溥
下究之恩也今該提督軍務工部尚書趙某以此
題請無非仰體我

皇上軫念時艱，保治於萬全至意，合無恭候命下，行移翰林院備查工部尚書趙某奏內，題請招撫脅從，安插流亡，蠲除積逋，褒錄死事，通達下情，各項事理，撰造詔諭一道，差官前去浙直閩廣地方告諭，併勅所在官司務要宣布德音，實心幹濟，仍將各該地方行過事理登記冊籍，開報撫按奏繳前來，以憑查考黜陟。其或坐視民艱，虛文應詔，苛削鬪茸，漫無成效者，悉聽撫按官叅劾治，以重罪則恩澤誕敷，民咸知所嚮化，而永保至治於無虞矣。其頒詔一應事宜，另容臣等開坐題請。

題正文體咨

禮部為科舉事先該本部題稱嘉靖三十七年例
該兩京及浙江等布政司開科鄉試已經題奉欽
依通行外查得嘉靖十八年十二月內該本部題
為正文體端士習以一風俗事該河南道御史聞
人銓題前事奉

聖旨禮部知道欽此查得嘉靖十一年正月內該
本部題為正文體以端士習事內開近年以來士
大夫學為文章日趨卑陋往往剽掇模擬左傳國
語戰國策等書蠛蠓衰亂之文相爭崇尚以自矜

炫究其所歸不過以艱險之詞飾淺近之說用奇僻之字蓋庸拙之文純正博雅之體優柔昌大之氣蕩然無有有識者蓋深憂之茲

聖明在上若不大振頽風力救斯文之弊將來道術日微人材日壞欲得真材以輔成治理蓋亦難矣等因具題奉

聖旨是文運有關國運所係不細近來士子經義詭異艱深大壞文體誠為害治恁部裡便出榜曉諭今後會試受卷務要純正典雅明白通暢的方許中試如有仍前鈎棘奇僻痛加黜落甚則令主

考官指名具奏處治欽此又查得嘉靖十六年十一月內該廣東布政司進呈試錄該本部叅看得錄內字樣差錯數多策問兵戎詞多隱晦及引用列子之寓言設為黃郊紫微二君碧虛子之問荅詭異尤甚考試官王本才等合行提問將原受禮幣銀兩追奪還官其提調監試等官陸杰等及監察御史余光通合提問等因具題奉

聖旨是王本才等并黃仲陽等都着各該巡按御史查提了問禮幣追奪還官陸杰等及蔣淦等着巡撫都御史提問余光法司提了問便通行天下

提學官嚴加禁革士子敢有肆為怪誕不遵舊式的即行黜退欽此又查得嘉靖十七年正月內該本部尚書嚴某等題為申明正文體以變士習事臣等竊惟文章與氣運相為流通而場屋程式之文關係最重蓋所錄之士即他日卿大夫之選文詞之醇駁人材之邪正治運之隆替闕焉近年士子所作文字偏尚竒詭往往不依經傳本旨不用原題起結故違舊式昨歲各省進到鄉試程文詭異不經已經叅奏究治外今次會試校士乞勅下主考同考官負務要遵照先奉欽依事理必須醇

正典雅明白通暢方許中式其有似前駕虛翼偽
艱棘怪誕之文必加黜落仍聽考試官摘出不寫
經傳本旨不循體制及引莊列不經之言悖謬尤
甚者將試卷送出本部以憑指實叅奏除名不許
再試等因題奉

聖旨是你部裡便出榜曉諭欽此欽遵外今御史
聞人銓以來歲當鄉試之期復以為言蓋本官先
年提學南直隸身有教士之責目擊當時之弊深
懲徃習故有此論臣等切惟文之弊久矣轉移化
導之機其要在於司考校者之責故知貢舉有歐

陽修則軋茁之文自出今錄試所刻之文士子視
以為趨向彼見詭異不經之言尚在所錄必曰主
司所崇尚如此有不靡然倣之者乎如是雖日諄
諄告戒之無益也本官奏稱先責之學校使提督
憲臣痛加黜罰次責之場屋使考試等官公為品
題決不以此中式此為知本之論相應依擬合候
命下本部移咨都察院轉行南北直隸提學御史
并浙江等按察司提學官及各處監臨御史各遵
照本部節年題奉欽依事理刊刻榜文播告多士
各仰遵 聖訓為文必崇尚雅正根據經傳如有

仍前收錄叛經離道之文候進到試錄本部詳加
翻閱查出奏請照例將考試等官追奪禮幣監臨
提調等官一體提問究治等因題奉

聖旨是便通行曉告今後鄉試進到試錄你部裡
務要詳閱舉奏如再仍前有叛經離道詭辭邪說
定將監臨考試等官罪黜取中舉人辨驗公據得
實革退為民欽此俱經通行欽遵去後今該前因
通查案呈到部擬合就行為此合咨貴院煩照本
部題奉欽依內事理通行浙江等處并南北直隸
巡按御史轉行各提學官及考試官務要着實欽

遵舉行毋視泛常仍希通取奉行緣由繳報本部
以憑查考施行

三殿災後請乞修省疏

禮部題為非常災變懇乞

聖明仰承仁愛勅下臣工痛加修省以回天意事
嘉靖三十六年四月十三日 奉天等殿災隨該
本部具題前事內乞 詔示天下及各宗室一體
欽遵修省等因奉

聖旨奏祭謝罪着擇吉命公希忠溶延德恭代秩
祀神祇開具來行下詔罪以告諸宗室依擬行欽

此又該本部題為朝儀事內開一應朝儀俱暫於
端門行禮等因奉

聖旨是欽此臣等謹將頒詔合行儀注開具上請
一面先行欽天監擇日其寬恤事宜合通行各該
衙門開報轉行翰林院撰文及查頒詔例差行人
及監生各十二員名齎捧前去各處開讀恭候命
下行移行人司國子監開送到部給文定限往回
謹題請 旨

覆議殿名疏

禮部題嘉靖三十六年八月十六日遵奉

聖諭昨承 恩示氣數諉之未可先代儒臣有言
君心通 天心夫以人君奉 天命百為萬用莫
非 天豈止賞刑大忤一放邪不可謂之奉 天
也我

皇祖名之取義乃此然於已身坐之終未安也况
災燼初罹建文自作人孽也次今兩蒙示者決不
可復禮部會官集議以聞門樓便擇日先造不可
以陰陽家為小說來歲弗宜越而不可欽此臣等
謹欽遵會同太傅兼太子太傅成國公朱希忠等
吏部等衙門尚書等官吳一鵬等議得正朝之殿

實 大君嚮明布治臨御百官之所

皇祖肇造之初名曰奉天者蓋以人君受天命而為天子慶賞刑威憲天出令是招揭以示虔也然仁人之事天猶孝子之事親親之所在齋慄不怠殿既以奉天命名則是昊天監臨儼然在上而臨御之際坐以視朝仁人奉若之誠茲所以有未安也上天仁愛昔嘗示於

成祖之朝事未為而有待今復示於

皇上中興之日恩益顯而宜承仰惟

聖明有行禮樂一新邃典弘章光昭百代顧茲殿

名獨尚沿舊今當修復之初實乃更新之會臣等
恭捧綸音允服

皇上聖誠昭格宸慮弘深真能以天心為心者
矣大小臣工莫不願新一代之規以昭萬世之典
但命名取義非臣等所敢擅擬伏乞

皇上睿斷更定以答天庥以揚祖烈實宗社億
萬年無疆之慶也臣等無任祈懇瞻仰之至謹題
請旨

覆裁冗濫疏

禮部題為財賦民窮懇乞

聖明勅賜臣工協心講求多方裁省以裕國定民
事該禮科給事中鄧棟題前事節該戶部覆題太
常寺太醫院欽天監四夷館等衙門俱屬禮部相
應查照該科奏內事理行移各該衙門議覆等因
奉

聖旨是欽此欽遵咨部送司隨行本部所屬各該
衙門備查近年曾否添設各官有無冗濫各回報
到司案呈到部看得設官分職期於集事濫負冗
食適以病民為照太常寺等各該衙門先年雖有
添設官員節次屢經裁革目今見存員數已非太

濫然不預節其流誠恐將來冗額復增不無虧損
國用臣等謹將所屬各該衙門應該裁革事宜酌
議開坐上請伏乞

聖明裁定施行

一議得太常寺額設卿一員少卿二員寺丞二員
協律郎二員贊禮郎二員司樂二員查得弘治九
年為因長陵等陵太廟祫祭供事不敷添設
協律郎一員贊禮郎五員司樂六員嘉靖七年恭
建世廟添設協律郎一員贊禮司樂各二員十
四年恭建九廟添設協律郎五員贊禮郎二十

貞司樂十四員十八年肇建 大享殿添設寺丞
四員協律郎三員贊禮郎十員司樂八員又 內
府教樂有成復傳陞司樂二十九員嘉靖三十年
該吏科右給事中劉體乾條陳隨該本部議照廟
禮已復弘治之舊而 大享又與 郊廟諸祭俱
不同日所有添設官員實為冗濫惟 陵祀日增
然例不奏樂則協律郎司樂原無所用似止應添
贊禮郎共設十六員協律郎止設三員司樂止設
八員其餘傳陞併添設寺丞等官俱應遇缺不補
咨行吏部查照題覆外續奉

聖旨郊祀重職堂上官選補足八員欽此已後惟
寺丞照舊選補嘉靖三十四年又該戶科給事中
甄承德廣東等道監察御史黃國用等條陳該奉
部仍照三十年欽依事例題覆欽遵外經奉二年
雖係考察事故去任數多但先年因事議管斟酌
停當已經奉有明旨目今合無仍照三十年題
定原額銓補其添設官員縱有見缺二切擇止庶
冗濫可節矣伏乞

聖裁

議得太醫院額設院使一員院判二員御醫十

八員首領吏目一員惠民藥局大使副使各一員
據查該院見任官掌院事通政使一員院判五員
多三員御醫十員缺八員吏目二十員多十九員
惠民藥局大使副使各一員除原額正員無容議
革及查院判五員內宋漑崔璋俱係御醫為因保
和九聖躬奉欽依陞授張承宗陸大有張圭俱係
御醫九年考滿已經吏部題陞前職外今照吏目
員數似為稍冗但查得先年醫士俱徑陞御醫後
因御醫缺少醫士數多况等級相懸難以起陞姑
將該陞醫士填註吏目名色使之循藝効勞量資

叙補無非甄錄微材用備緩急之意惟未有限定
負數是以人懷倖進故先年吏目增至五十餘員
嘉靖二十二年為欽奉 聖諭事該本部考革二
十餘員存留三十員續因考察事故已幾去其半
今尚存二十員若盡行裁革則供事乏人若不加
樽節則末流益濫相應酌處合無將該院吏目歷
俸在前者 欽定十員著為正額其額外人數姑
留在院供事已後遇有員缺不許醫士朦朧填補
再照御醫九年考滿例陞院判有缺陞缺無缺陞
俸然所謂缺者必在額設兩員之中方可陞補近

年一槩含糊比例遷轉故同一考滿同一無缺而
陞俸陞缺人各不同以致後先混淆堂屬錯雜俸
給既增員額日溢甚非所以防冒濫而慎名器也
合無今後凡遇額內院判有缺乞 勅吏部移咨
本部查明先儘以前陞俸之人陞補其年資在後
者挨次候補又照冠帶醫士銓補吏目各有本等
年資如在 聖濟殿供事考居優等者例該三年
以上其在司禮監三大營及刑部會同館當差者
例該六年查得 內府各衙門官歷俸九年纔陞
二級今該院醫士獨以三年六年遞授品官惟銓

補太速故冗濫日滋合無今後醫士三年六年者
候至九年俱徑陞吏目若遇有惠民藥局大使副
使負缺許於六年以上醫士考補通前歷九年亦
徑陞吏目凡醫士補官之後除前在 聖濟殿者
仍留供事其餘不許復占前役以塞後進之路庶
制典既重而人情亦不患於久滯矣伏乞

聖裁

一議得欽天監額設監正一負監副二負主簿一
負曆科春官等官九負天文科五官靈臺郎等官
六負漏刻科五官挈壺等官七負回回科額設官

五負今查得添註主簿一負曆科添註支從九品俸冠帶天文生二負漏刻科添設五官監候等官五負又添註支從九品俸冠帶陰陽人一負回回科添設漏刻博士一負照得前項添註數多幾溢正額揆之 制典相應裁省但照各官俱奉累年工完事例題陞與無事候缺者不同况測候推步係 國家重務而世業子孫遵奉 祖宗舊制不許別集他業若不少加優容率以貧苦廢業除正額勿容議革外其添設官負似應姑留供事遇有員缺不許開補再照各處興工例用選擇陰陽人

負其効勞甚微若工完之日一槩陞官陞俸將來
益致冗濫今後遇有大工告完合將前項選擇陰
陽人負止量行給賞庶爵祿不輕而人無倖圖矣
伏乞 聖裁

一議得厨役先年光祿寺額設九千四百六十二
名太常寺額設一千五百名嘉靖三十四年該本
部題准裁革光祿寺存留三千八百六十二名太常
寺存留一千二百名今查據二寺供應實繁似難
再革及查各役食糧每名月支六斗又支妻糧四
斗除本身月糧相應照舊給與而妻糧仍准全支

不無冒濫廩餼合無每口日給一升每月量減米一斗總計二寺厨役五千六十名每月減米五百六石通計每歲減米共六千四十餘石庶供役不乏而國用亦少省矣伏乞 聖裁

一議得四夷館譯字官生職專辯譯番文鴻臚寺通事官生職專通達夷館 國初設置凡事繁者或八九員或六七員事簡者或三四員或一二員原無定額其習學子弟三年考中方准食糧一石食糧三年考中方准冠帶又三年考中方授職銜蓋教習貴於積久而除授必以年資於 國家懷

撫遠人關係頗重其官雖多其祿亦薄未可以為
冗員冗食也今查見在四夷館譯字生自嘉靖十
六年題選一百二十名以後並不再選其見在譯
字官鞞鞞館五員回回館二員西番館四員高昌
館三員女真館四員百夷館三員緬甸館三員西
天館二員八百館二員及查鴻臚寺通事生連冠
帶候缺并習學總不過三十九人其見在通事官
女真館一員鞞鞞館三員回回館一員百夷館二
員占城館二員日本館二員畏兀兒館一員安南
館一員其朝鮮西番琉球暹邏滿刺加等五館尚

皆冠帶通事署事俱因所轄之繁簡以為人數之多寡其間如日本安南近年朝貢雖或不常而柔遠之典難以遽廢所據前項人負俱合存留供事伏乞 聖裁

叅覆徽藩疏

禮部題為逆黨豪軍撥置親王詐傳令旨強搶良女投進乞恩急救生命事准錦衣衛鎮撫司手本內開該本司題所據徽王衆稱年幼實被諸惡引誘欺蔽以致輕易聽信惡延一省害遍小民伏乞降勅切責令其改過自新等因奉

聖旨徽王年亦不甚幼這等聽信撥置虐害小民
豈勅戒之列乎禮部會同三法司看議具奏欽此
臣等會議得 國家封建諸藩親王之禮尤渥
皇上恢弘 祖憲忠孝之訓維彰徽王載堦列爵
藩服屢沐隆恩正宜輸忠盡孝恪遵 祖訓之嚴
敦禮承家仰答

聖恩之重却乃心懷欺罔性恣兇淫聽信奸邪任
憑撥置強奪衆民之室女毒流一方侵尅百姓之
資財怨聲載道及奉欽依拏解諸犯却又縱容承
奉不即解官使其女子尚存而占恠不發則抗違

明旨之罪難逃設或別有隱謀而身屍無證則致
死人命之辜莫逭似此縱肆奸兇實大違乎

祖訓跡其素懷怨忌尤深負於 隆恩律以國章

允宜重究伏乞 聖明將徽王革去爵祿以警宗

藩以伸憲典但係親王恩威出自 朝廷臣等未

敢擅擬再照游朝等已經奉有 明旨處治外但

其間黨惡恐不止此數人若一時之惡孽未除則

將來之毒害無已合行彼處撫按衙門將平昔在

府撥置引誘之人通行拏問仍將耿安并女小迎

冬查究有無致死根因從重問擬一併具奏則

國法愈彰而小民永賴矣均乞 聖裁

叅覆徽藩第二疏

禮部題該河南撫按官會題徽王并本府人役違
法情由奉

聖旨這奏內載堦所犯事情禮部會同三法司叅
看了來說其餘各犯法司詳議具奏欽此先該本
部會同刑部等衙門題奉

聖旨你每說的是載堦性恣兇殘大違 祖訓負
朕恩眷且姑革去祿米三分之一著令省改小迎
冬并原奏人耿安著撫按官查究下落作急具奏

平昔在府撥置之人，都着訪拏重治。欽此。欽遵。已
經備行去後。今該河南撫按官題稱徽王載瑜及
該府人役違法事情，俱有違憲典。委應重究除聽
信撥置強搶子女等罪，及其餘各犯已奉明旨。

法司詳議具奏。臣等不敢叅論外，據招內叅稱徽
王載瑜修蓋萬歲山演武亭挑月河演習行船。府
中穿坑打死李迎等二十餘人。庫官王章直言疏
諫拷打身死。又楊懋德引誘徽王出遊，冒借張世
德姓名起關直抵南京。回至鳳陽王莊驛被人盤
詰。將官校內使紀敏、劉天澤等及宮女四口與王

霸留三日與劉天澤潛走得脫致有南京金陵總
得意鳳陽弄醜羞同衾之誣又私建行宮大小殿
廊一百餘間因碍風水發掘墳墓七十餘塚又郭
弘道母馬氏先年選克奶婆伊父郭美輒授冠帶
及強搶良家子女十餘投進加授金帶服色又密
令樂工焦懷等二十餘人沿途擺撥人馬深聽京
師消息每五日邸報即至等項情由罪惡深重據
法所當重究臣等會同刑部尚書等官臣何其等
叅看得微王載堦恣肆無忌稔惡已非一朝僭竊
屢形罪狀難於悉數如修蓋萬歲山私建行宮此

豈藩服之所宜有杖殺本府庫官擅授親倖冠服
此豈臣下之所敢專挾帶宮女擅至南京則是潛
萌窺伺敢蹈無將之戒不特私出鎮城騷擾一方
如訓例所禁者而已演武習船探聽京師則是包
藏異志漸逞不軌之謀不特聽信奸邪害及小民
如耿安所奏者而已凡若此類撥置或出於群奸
而造意必由於主使專擅僭竊罪不容誅曲宥之
恩雖每異其省改而自作之孽終難貸於科條跡
其情罪蓋皆 祖訓之所未載臣等所不忍聞亦
所不忍言者律以憲典宜不止於削去爵祿革為

庶人而已但事關親王恩威出自朝廷臣等未敢擅擬伏乞

聖明特賜宸斷寘之重典以為藩臣恣肆干紀者之戒則國法允彰而諸藩永肅矣謹題請旨

徽藩管理府事疏

禮部題載輪犯罪深重已奉明旨削除世封行彼處撫按衙門推舉賢能郡王一位管理府事鈐東宗儀備行去後今該河南撫按官各題稱建德王原燂最賢而倫序亦應博審輿情舉無異議乞

要奏請定奪等因前來本部備查先年寧府削封
府事則以弋陽王拱欝管理鄭府罪廢則以廬江
王祐棊管理是皆擇其賢能尤著倫序相應者以
為總攝蓋管理重任貴在得人故必先論其素行
而後及其倫序今太康王載堯係庶人載堦之親
弟倫序雖應而賢否則稱未著新昌王厚燁係簡
王之子雖稱頗賢而輿論猶未盡歸所據建德王
厚焮委係始封莊王第五子之子於嘉靖十九年
襲封論其倫序亦始封親王之孫而稽其素行則
撫按交稱其安靜誠篤賢能既足以服人而其序

亦不至於相紊况查與寧府鄭府事例相同相應
題請管理恭候 命下行移翰林院請 勅前去
令其管理府事鈐束宗儀凡該府自始封以下各
郡王府請名請封選婚奏報等項俱與依時類奏
以仰副 朝廷敦睦盛典仍乞 天語叮嚀務要
恪遵 祖訓以保守祿位凡遇 聖旦正旦冬至
等節統率各府郡王并宗儀人等在於本府行禮
及迎接詔勅赦書俱有司衙門膳黃差官齎送本
府率同各郡王將軍官真人等查照儀注開讀謹

題請

旨

覆禁革奢靡疏

禮部題為考察之後乞正士風以隆 聖治事該
刑科給事中魏元吉題除禁奔競重撫臣專責任
事俱該吏部題覆外其乞要崇節儉一節臣等為
照治理之要以正風俗為首而移風易俗以敦儉
朴為先此誠端本抑末之機也然首善實繫於京
邑而倡行必始於士夫苟士夫不知節儉爭尚奢
靡則必貪饕腹削以濟其欲而殃及生民將何以
培植元氣維持風化耶仰惟

皇上崇禮慎德加意侈靡之防屢下奢僭之禁如

嘉靖七等年 聖訓昭嚴遵行既久柰何士習漸
踰浮文日熾公私宴會則動張大席廣集伶優歲
時饋遺則競携牲幣充塞道路以致流風漸被下
民效尤生儒巾服僭為巧異混亂彛章莫可辨識
此豈 清朝醇厚之風有識之士亦或心知其非
而泊於習染莫克自振今刑科給事中魏元吉目
擊時弊考察方畢有此論列誠於風化有闕然非
從實禁革何以永絕弊端合候 命下本部通行
各該衙門堂上官嚴諭各屬毋得踵襲前弊仍備
行都察院刊刻榜文通行京城內外張掛曉諭并

行五城御史緝事衙門嚴加緝訪如有士大夫之家仍前違例張設簇花糖餅大席饋送猪羊節禮招集無賴子弟搬演戲文長夜酣飲及容留居住者一體訪拏叅究造賣糖餅之家模式俱要追毀其生儒人等違例穿戴忠靖冠服及凌雲方巾大袖深衣雲頭履鞋等項通行緝事衙門訪拿究治若士夫不遵明禁再有違犯者聽科道官指實奏聞重加罷黜庶節儉之風自朝廷以達於天下而風化允悖治隆萬世矣

釋放高墻跡

嘉靖三十四年九月內該巡按直隸監察御史金
澗陶承學奏稱鳳陽一府我

聖祖肇基之地外有 皇陵之重內無城郭可依
而高墻五座散處其間前年師尚詔肆亂既獲招
有搶挾高墻之謀合無 勅下禮刑二部會議除
見在罪重正身不敢輕議外其餘情有可原者發
回本處王府居住仍將各墻併入一二處以便防
守等因奉

聖旨禮部知道欽此備咨到部移咨都察院轉行
彼處撫按會同守備查勘三十五年十月內續准

巡撫鳳陽都御史陳儒咨稱所據各庶人雖審口詞在官中間恐有隱匿情節遽難盡信必須移咨該部會同法司叅酌應禁應釋會議題請等因到部該本部尚書吳山等會同刑部尚書歐陽必進都察院左都御史周延除將守備撫按會議知燻等共三十三起及刑部都察院查議聰涓旭植森材共三起情罪深重禁錮未久者不敢議擬釋放外會議得見存庶人聰懋聰澍觀憶秉矜英燠等四起俱違例越關禁錮年久情有可原已故庶人宇淙一起及表樞聰沂俊獲惟煇惟燔顯薰顯櫻

成銳七起俱止為越闕劫財等事比與反逆者不
同其遺下家屬俱合議處釋放移行移司禮監奏
差內官請 勅前去會同守備撫按等官將各庶
人并家屬等送回原府居住仍咨都察院轉行各
省撫按啓王知會如遇聰懋等到彼照依高牆庶
人事例給與房屋柴米養贍其高牆五座仍行鳳
陽撫按守備酌量可歸併者歸併不必拘定二處
務要內以全其倫理外以便於防守徑自題覆施
行

禮部題為賊寇復熾地方失事重大乞賜會官集
議計處以安地方事該本部等衙門會題前事議
覆南京工部尚書馬坤題差官齎捧 聖書前至
朝鮮諭令傳諭日本國王示以君臣之義禍福之
機令其禁戢屬夷擒斬奉逆以効臣節如果罪在
屬夷國王無預輸誠聽命海氛肅清許其遣使奏
報另議褒獎等因奉

聖旨這條陳事件你每既會議停當依擬行詔諭
禮部還查 祖宗時例來看欽此查得嘉靖三十
二年七月內該巡視海道右僉都御史王忬南京

戶科給事中張承憲各奏稱乞要轉行琉球朝鮮
宣諭日本一節比該部查無 勅付鄰國宣諭事
例且度倭夷譎詐難以言詞化誨欲令待日本貢
使至日酌量時勢另行具奏等因覆題奉

聖旨着王忬一意勦賊宣諭不必行欽此又於嘉
靖三十四年四月內該巡按浙江監察御史胡宗
憲奏稱詔諭日本係于 聖制未敢輕議乞要乘
倭夷入貢之期行浙福二省以有司之意遣人省
諭責以華夷大分詰問擾亂之由國王知與不知
令其禁戢島夷急遏群兇等因該本部覆議有司

詰諭似於國體無損相應依擬奉

聖旨是欽此俱經通行欽遵去後今該兵部等衙門會議前事備將本司文卷逐一查考洪武以後先年曾經火災無可憑信惟宣德七年因日本久不朝貢命內官柴山齋勅往琉球國令中山王尚巴轉齋日本諭以恪遵祖制遣使來朝至嘉靖二年為宗設等偽貢犯順擾害寧紹地方脫逃入海該浙江鎮巡等官奏要勅諭日本國王令其擒送中國該本部會題將勅書差人齋至福建付琉球國使臣鄭繩便齋歸國令王轉諭日本

國王隨於嘉靖七年琉球國王遣使臣鄭繩等入貢谷覆本部訖至嘉靖十八年日本國王始遣使臣碩昂等齎勘合表文納款求貢自後於二十六年連貢二次通查案呈到部臣等為照倭夷僻居東海諸島錯雜連年入犯之由其國王知與不知誠難遙度 詔諭一節蓋將以詰探情實宣示威中外諸臣節經奏請無非仰體我

皇上寤寐東南宵旰時艱至意臣於去年題覆浙江巡按御史胡宗憲本內謂有司曉諭一節使其果由島夷為寇固足以藉其逆力鈐收之功若實

倡亂由己亦足以開其自新通好之路者此也今
既查有宣德年間及嘉靖二年將勅諭委付琉球
轉諭日本國王事例相應依擬合候 命下本部
查照前例候朝鮮國使臣於四月間赴京謝恩請
勅諭二道就令使臣順齋一專諭日本國王一傳
諭琉球朝鮮國王令其轉諭日本國王示以尊
主事大之義禍福利害之機速令禁戢屬夷擒斬
率逆如果能効驅除之力即係國王素秉忠順全
由烏夷寇逆勾引功罪既明許其遣使奏報重加
褒獎仍嚴諭朝鮮國王於下次來貢之日取日本

國王回文仍將該國齋過 勅諭的確始末具本
奏覆通行查奏褒賞斯於國體夷情兩無相妨而
格遠通款事必有濟息海氛以揚 聖化端有俟
矣其差官一節關係匪輕臣等不敢擅便均乞
聖裁謹題請 旨

畏兀乞貢咨

禮部為查陳境內寄住夷人進貢事體請乞
聖明裁定事該巡撫甘肅等處右副都御史王某
題稱前事議處哈密衛畏兀兒哈刺灰都督札吉
孛刺普覺寺淨修國師拜言孛刺五年一次進貢

乞要比照寄住沙州瞿曇等寺國師貢葛賞竹等
事例止令襲職之日隨帶進貢謝恩革其五年一
貢之例等因奉

聖旨該部知道欽此欽遵抄出到部送司查得畏
兀兒委係哈密踈屬成化元年准令每年朝貢一
次至九年及弘治初年間累被土魯番侵犯不能
存立率族歸附寄住甘肅嘉峪關內隨同我軍操
練食糧於弘治十八年正德四年八年嘉靖五年
又進貢四次至嘉靖十一年准兵部咨哈密衛左
都督札吉孛刺等達達字奏文二道乞要比照先

年事例三年來貢一次等因已經議題查照西域諸國事例或三年或五年許其入貢一次每貢不許過百人起送不許過三十人題奉欽依轉行該邊巡撫衙門遵行去後又於嘉靖十八年二十四年三十二年各進貢一次前後通共進貢十六次為照畏兀兒左都督訖吉孛刺等寄住中土食糧服役已久原與邊外各夷不同今該巡撫都御史王某題乞裁革其貢無非體國省費以綏邊境之意但先於嘉靖十一年據畏兀兒左都督訖吉孛刺普覺淨修國師拜言孛刺等所奏該本部議覆

准令或三年或五年一次進貢彼時不無微意一時裁革誠恐拂其向化之心况事在該邊夷情叵測關係匪輕難以遽擬相應再行彼處撫按衙門從長會議務求國體夷情兩無相礙庶可永久遵行為此合咨貴院煩為轉行巡撫巡按衙門公同會議應行應革徑自議處畫一長策具奏施行

覆哈密乞請疏

禮部題為夷人求討事主客清吏司案呈譯哈密頭目馬黑麻打力哈即等回回奏文二道一道奏稱哈密等城頭目馬黑麻打力哈即等照舊例各

備馬匹差使臣滿刺火者馬黑麻等赴京進貢今
仰望 朝廷可憐見奴婢求討鐵鍋衣服高麗布
三梭布茶葉絲綿絨線鞋熟藥定子藥湯瓶茶罐
磁碗割羊盤等物望乞恩賜一道奏稱哈密頭目
滿刺馬黑麻打力哈即等

大明皇帝前叩頭今照父祖舊例各備馬匹差伴
送正使馬黑麻阿力撒兀求討織金段子二疋茶
一百斤并捨嫩刺自刺木革城等頭一十六名各
差正使黑里倫刺等求討織金段子茶葉三梭布
絨線各多寡不等等因俱奉

聖旨該部知道欽此查得嘉靖二十八年本地面
進貢奏文二道一道哈密頭目虎都六馬黑麻一
名求討緣由 欽賞高麗布二疋好茶三十斤玲
瓏靴一副俱該本部關付差來夷使領去訖今查
本地面求討奏文二道一道奏稱哈密等城頭目
馬黑麻等赴京進貢求討高麗布三校布茶葉等
件止是頭目一名與上年事例相同一道奏稱哈
密頭目滿刺馬黑麻打力哈即等一十七名差伴
送正使馬黑麻阿力撒兀等各求討織金段子等
件比上年求討之數多增一十六名似當另議通

查案呈到部看得哈密夷使求討一節查得年例
求討頭目馬黑麻打力哈即奏文一道止是本夷
一名比類相同相應照例賞賜高麗布二疋顏色
線一斤好茶三十斤伴送求討頭目滿刺馬黑麻
打力哈即奏文一道舊例止是一名今增至一十
七名一人求討一二件者有之三人共討二三件
者有之即其所求之數似為不多計其所得之實
倍增舊額若此狡詐及今不為裁抑誠恐將來妄
行援比求討無厭合無於奏內名次在首頭目滿
刺馬黑麻打力哈即一名仍照上年事例賞賜高

麗布二疋好茶三十斤玲瓏靴一副以全朝廷
柔遠之恩其餘一十六名捨嫩刺自刺木革城等
四名合量賞高麗布二疋皮兒得兒月失米兒咱
自塔石城等四名合量賞玲瓏靴一副野西尹米
兒咱自哈吞台城等四名合量賞絨線一斤俄力
米兒咱自春南城等合量賞好茶三十斤少加裁
抑以杜冒濫之端其應賞布靴等件等候命下行
內府并各該衙門通行關出給付到京夷使領回
交割仍翰林院請勅二道頒給本部移咨該邊
衙門以後如遇哈密進貢之年其求討奏文二道

每道止許開寫頭目一名不許過多如或增添人數即令該夷改正方許入貢仍省諭捨嫩刺自刺木革城等頭目一十六名前項賞賜實出 一朝廷一時憫念遠人之恩後不為例

代沈夫人奏乞疏

錦衣衛見監犯人沈東妻張氏謹奏為披瀝血誠再懇天恩矜憐孤寡超豁生命事氏夫沈東原任禮科給事中氏比見夫居常感激 聖明誓圖報塞嘉靖二十八年五月內偶值邊臣之事誤進狂瞽之言獲罪繫獄經今一十五年切思夫東親老

無嗣顛連縲紲去年九月間氏已將哀迫苦情具
疏懇奏伏奉

聖旨法司知道欽此迄今法司未蒙題覆氏女流
羈旅竊聞道路傳頌我

皇上聖德好生不忍一夫失所每於夏秋特發
明詔遍審在獄人犯情罪重輕多所矜釋氏夫雖
祇緣妄誕陳詞已經問擬而身禁衛獄不得預夏
秋讞審之列

皇恩浩蕩靈旣無由氏不昧死陳情則夫束終當
老死囹圄豈能復見天日茲幸下情已獲上聞

而所司未敢擅覆切恐歲復一歲控訴無門氏夫
之父見年八十有八垂死無依勢難再延而氏下
無子女孤孑旅食益難自活氏每一痛思輒欲引
絕但念氏死則氏夫絕食而氏夫之父亦繼填溝
壑一家三口相依為命惶迫無計故竊欲以無益
之身代夫繫獄暫容氏夫歸家一見老親垂死之
面以盡烏鳥私情氏女流誠不知法例難容顧避
斧鉞於萬一也即今熱審在時如蒙

皇上下大霽好生之仁垂憫氏孤寡無告苦情特為
再勅法司查審原擬早開生路或姑容氏代夫囚

繫暫釋氏夫生還少伸人子養老送終之私庶氏
一家生死仰蒙鴻恩再造子孫銜結世世無涯矣
氏不勝瞻天望聖瀝血披誠哀懇顙鳴之至

鳴玉堂稿卷之九尾